



Inatsisartut ingerlatsinermut malittarisassaanni § 37 imm. 1 malillugu Naalackersuisunut imatut apeqquteqaateqarpunga.

**Naalackersuisunut apeqquteqaat:**

1. Naalackersuisut ilisimanerlugu, inoqtigiit qassit, kiassarnermut pumpimik ikkussisimanersut?
2. Kiassarnermut pumpimik inoqtigiit amerlanerit ikkussippata suna pitsaaqutigineraat Naalackersuisut ilisimanerlugu?
3. Naalackersuisut isumaqatigaat, maani nunami kiassarnermut pumpimik ikkussineq avatangiisinut ajoqutaanngitsumik aammalu aningaasatigut sipaarutaasinnaasoq?
4. Naalackersuisut piomassuseqarnerpat, innuttaasut kiassarnermut pumpimik ikkussinermut taperneqarsinnaanerinik?
5. Teknikkikkut ajornassannginnerluni Aningaasanut Inatsimmi aningaasanik agguagassanik pilersitsigaanni, kiassarnermut pumpimik ikkussinermut innuttaasut tapiiffigineqarnissaminnut qinnuteqarfigisinnaasaannik?
  - a. Aqqissuussaq taamaattoq allaffissornikkut qanoq akeqassava?
6. Teknikkikkut ajornassannginnerluni Avatangiisinut aningaasaateqarfik aningaasanik illikartitsippat kiassarnermut pumpinut tapiissutissanik, tassami kiassarnermut pumpit avatangiisinut ajoqutaanngimmata?
7. Oqaluuserisamut attuumassuteqartunik Naalackersuisut allanik nalunaarutissaqarpat?  
(Inatsisartuni ilaasortaq Nivi Olsen, Demokraatit)

**Tungavilersuut**

Maani Nunatsinni nukinnik avatangiisinut ajoqutaanngitsunik nioqqutissiornermut pikkorissorujussuuvugut. Tamannalu ingerlatiinnassavarput.

Illuutitta/inissiaatitta kiassarnissaat pisariaqartuuvoq, tassungalu ilutigalugu aningaasaajaataallunilu nukinnik atuinartuulluni. Kiassarnermut pumpit atorlugit kiassarnerup aningaasartuutit annikillissinnaavai aammalu avatangiisinut silallu pissusaanut pitsaanerulluni.

Tamanna tungavigalugu isumaqarpunga isumassarsiatsialaasoq nuna tamakkerlugu kiassarnermut pumpinik ikkussuinerup siaruarternissaa.

Ullut suliffiusut qulit qaangiutsinnagit apeqquteqaatima akineqarnissaat kissaatigaara.